

*De consuetudine servanda, quæ non est contra fidem.*

Ex codice 16 librorum, libro III, cap. 19.

“ Petistis per Hilarium chartularium nostrum, a beatæ memorie prædecessore nostro, ut omnes vobis retro temporum consuetudines servarentur,

A quas a Petri apostolorum principiis ordinationum initiiis hactenus vetustas longa servavit. Et nos quidem, juxta seriem relationis vestrae,<sup>44</sup> consuetudinem laudamus, quæ tamen contra fidem catholicam nihil usurpare dignoscitur.

<sup>44</sup> Est ex epist. S. Greg. lib. I, ep. 75. <sup>45</sup> distinct. 11: *Consuetudinem laud.* Et in *Decr. Ivon.* lib. II

## ANICETUS I PAPA

### NOTITIA

(Ex Libro pontificali Damasi papæ, ab. MANSI, *Council.*, I, 681. Vide *Patrologia Latinae*. CXXVII, col. 4203, in Anastasio Bibliothecario qui Anicetum ante Pium I ponit.)

Anicetus natione Syrus, ex patre Joanne de vico Humisia, sedis annos undecim, menses quatuor, dies tres. Fuit autem de temporibus Veri et Marci, a consulatu Gallicani et Veteris, usque ad Præsentem et Rufinum. Hic constituit ut clericus comam non nutriri, secundum præceptum Apostoli. Hic fecit ordinationes quinque per mensem Decembrem, presbyteros septendecim, diaconos quatuor, episcopos per diversa loca novem. Qui etiam obiit martyr, et sepultus est in cœmeterio Callisti, via Appia, decimo-quinto Kalend. Maias. Et cessavit episcopatus dies septendecim.

## ANICETI PAPÆ EPISTOLA AD GALLIÆ EPISCOPOS<sup>(45)</sup>

(MANSI, *Council.*, I, 683.)

*De electione et ordinatione archiepiscopi et cæterorum episcoporum, et ut archiepiscopus absque consilio cæterorum nihil agere præsumat de causis eorum nisi tantum de sua speciali parochia.*

<sup>46</sup> Anicetus <sup>47</sup> universis Ecclesiis per Galliæ provincias constitutis, in Domino salutem.

Bonorum operum et <sup>48</sup> spiritualium studiorum Deum auctorem esse, non dubium est, qui bonorum hominum incitat mentes et adjuvat actiones. Quod nobis evidenter apparuit, cum inter longinqua spatia regionum, unum corda vestra senserunt consilium, et quæ desiderabatis responsa, non unus sed plurimorum epistolæ intimarunt.

I.

*De ordinationibus episcoporum, et de causis earum.*

De ordinationibus vero episcoporum, super quibus nos consulere voluistis, olim in sancti prædecessoris nostri Anacleti ordinationibus quædam jam decreta reperimus <sup>49</sup>. Scimus enim enim beatisimum Jacobum, qui dicebatur Justus, qui etiam secundum carnem frater Domini nuncupatus est, a Petro, Jacobo et Joanne apostolis, Hierosolymorum episcopum esse ordinatum. Si autem non minus quam a tribus apostolis tantus vir fuit ordinatus episcopus, patet profecto eos formam, insti-

B tuente Domino, tradidisse, non a minus quam a tribus episcopis, episcopum ordinari debere. Sed crescente numero episcoporum, nisi necessitas intervenierit, debent etiam plures augeri, id est, si archiepiscopus diem obierit, et alter ordinandus archiepiscopus electus fuerit, <sup>50</sup>, omnes ejusdem provinciæ episcopi ad sedem metropoleos conveniant, ut ab omnibus ipse ordinetur.<sup>51</sup> Oportet autem ut ipse, qui illis omnibus præesse debet, ab omnibus illis eligatur et ordinetur. Reliqui vero comprovinciales episcopi, si necesse fuerit, cæteris consentientibus, a tribus, jussu archiepiscopi, consecrari possunt episcopis. Sed melius est, si ipse cum omnibus eum qui dignus est, elegerit, et cuncti pariter sacraverint pontificem. Et licet istud, necessitate cogente, concessum sit, Illud tamen, quod de archiepiscopic consecratione predictum est atque præceptum, id est, ut omnes suffraganci eum ordinent, nullatenus immutari licet; quia qui illis præest, ab omnibus episcopis, quibus præest, debet constitui. Sin aliter præsumptum fuerit, viribus

<sup>46</sup> in mss. sæpe *Anicetus* scribitur; in quibusdam *Anicius*, sic etiam recte. HARD. <sup>47</sup> in ms. nostro hoc loco *Anicius*, et in titulo. HARD. <sup>48</sup> S. Leo ep. 32. <sup>49</sup> Supra in 2 Anaol. epistola. <sup>50</sup> 66, distinct. : *Archiepiscopus ab omnibus.* <sup>51</sup> S. Leo ep. 89, cap. 5. Conc. III Aurel. c. 3.

(45) Supposititiam consent viri eruditii.

carere non dubium est, quia irrita erit ejus secus A acta ordinatio.<sup>52</sup> Ipse autem archiepiscopus nihil de eorum causis, aut de aliis communibus, juxta statuta apostolorum, absque cunctorum illorum agat consilio; nec illi, nisi quantum ad proprias, parochias pertinet, sine suo, quoniam: tali gaudet concordia Altissimus, et gloriatur in membris suis.

## II.

*De primatibus et metropolitanis.*

<sup>53</sup> Nulli archiepiscopi primates vocentur, nisi illi qui primas tenent civitates, quarum episcopos apostoli et successores apostolorum regulariter<sup>54</sup> patriarchas et primates esse constituerunt, nisi aliqua gens deinceps ad fidem convertatur, cui necesse sit, propter multitudinem eorum, primatem constitui. Reliqui vero, qui alias metropolitanas sedes adepti sunt, non primates, sed metropolitani nominentur.

## III.

*Si metropolitanus sine consilio egerit, vel si episcopi eum suspectum habuerint.*

<sup>55</sup> Si autem aliquis metropolitanorum inflatus fuerit, et sine omnium comprovincialium præsencia vel consilio episcoporum, aut eorum, aut alias causas, nisi eas tantum quæ ad propriam suam parochiam pertinent, agere<sup>56</sup>, aut eos gravare voluerit, ab omnibus districte corrigatur, ne talia deinceps præsumere audeat. Si vero incorrigibilis eisque inobediens apparuerit, ad hanc apostolicam sedem (cui omnia episcoporum judicia<sup>57</sup> terminare præcepta sunt) ejus contumacia referatur, ut vindicta de eo fiat, et cæteri timorem habeant. Si autem propter nimiam longinquitatem, aut temporis incommoditatem, vel itineris asperitatem, grave ad hanc sedem ejus causam deferre fuerit, tunc ad ejus primatem causa deferatur, et penes ipsum hujus sanctæ sedis auctoritate judicetur,<sup>58</sup> Similiter, si aliquis episcoporum proprium metropolitanum suspectum habuerit, apud primatem diœceseos, aut

<sup>52</sup> 9, q. 3: *Archiepiscopus nihil.* <sup>53</sup> 99, distinct. : *Nulli, archiepiscopi*

A *apud hanc apostolicam sedem audiatur.* « Qui major est vestrum, secundum Dominicam jussionem, sit vester minister<sup>59</sup>. » Et: « Quanto major es in omnibus, humilia te ipsum<sup>60</sup>. » Charissimi, nolite inter vos contendere, nec querat alius major esse; sed, juxta apostolum, « diligite vos invicem, quia charitas ex Deo est: et omnis qui diligit fratrem, ex Deo natus est et cognoscit Deum. Qui non diligit, non novit Deum, quoniam Deus charitas est<sup>61</sup>. »

— « Pascite, inquit princeps apostolorum, qui in vobis est, gregem Dei, providentes non coacte, sed spontaneæ secundum Deum, neque turpis lucrati gratia, sed voluntarie: neque ut dominantes in cleris, sed forma facti gregis ex animo. Et cum apparuerit Princeps pastorum, percipientis immarcessibilem gloriæ coronam<sup>62</sup>. » Et juxta alium apostolum: « Fratres, memores estote verborum quæ prædicta sunt ab apostolis Domini nostri Jesu Christi, qui dicebant vobis, quoniam in novissimo tempore venient illusores, secundum desideria ambulantes impiatum. Hi sunt qui segregant semetipsos, animales, spiritum non habentes. Vos autem, charissimi, superædificantes vosmetipsos sanctissimæ vestræ fidelis, in Spiritu sancto orantes, ipsos vos in dilectione Dei servate, exspectantes misericordiam Domini nostri Jesu Christi in vitam æternam. Et hos quidem arguite judicatos, illos vero salvate, de igne rapientes. Aliis autem misericordia in timore, odientes et eam, quæ carnalis est, maculatam unicam<sup>63</sup>. »

## C

## IV.

*De tonsura clericorum et habitu.*

<sup>56</sup> Prohibete, fratres, per universas regionum vestrarum ecclesias, ut cleri, qui laicis et simpli cibus, virtutis, honestatis, pudicitiae et gravitatis exemplar esse debent, ac seipso, tanquam signum purioris vitae, rudioribus ad imitationem prudenter exhibere, juxta Apostolum, comam non nutriant<sup>64</sup>(46), sed desuper caput (47) in modum sphærae

<sup>57</sup> Hadr. coll. c. 23. <sup>58</sup> 9, q. 3: *Si autem aliquis*. <sup>59</sup> ms. *tentare*. HARD. <sup>60</sup> Vigilius ep. 2. <sup>61</sup> Hadr. coll. 18, 26. <sup>62</sup> Matth. xx. 26; Marc. x, 43. <sup>63</sup> Eccli. iii, 20. <sup>64</sup> I Joan. iv, 7, 8. <sup>65</sup> I Petr. v. 2-4. <sup>66</sup> Jud. 17. 23. <sup>67</sup> distinct. 23: *Prohibete, fratres.* <sup>68</sup> I Cor. xi, 14.

(46) *Juxta Apostolum comam non nutrient.* Hoc decreto Anicetus pontifex confirmat id quod apostolica traditione ac constitutione in Ecclesiam derivatum est, ut scilicet eorum capita in modum sphærae tondeantur desuper, qui a communi hominum vita recedentes, excultius vitae genus sectantur: ita Isidorus *De divin. offic.* Hujus ritus mentio est apud Dionysium *De ecclesiastica hierarchia*, part. ii, cap. 3. In ecclesia a primis sæculis usque huc prædictum ritum frequentatum esse constat non tantum ex Dionysio Areopagita supra allegato loco, ubi ait: « monachos tonderi solitos fuisse; » sed etiam ex Epiphanius *hæres.* 80, Augustino lib. *De operibus monachorum*, cap. ultim., ubi reprehendunt quosdam monachos, qui aliorum more tonderi nollent. Ex Hieronymo in epistola quadam ad Augustinum quæ est inter epistolas Augustini 26, ubi sic ait: « Evodium ut meo nomine salutes, precor coronam tuam. » Item ex Augustino epist. 147, ad Proculia-

D num episcopum, quo loco hæc scribit: « Per coronam nostram, nos adjurant vestri; per coronam vestram, vos adjurant nostri. » Ex concilio Carthaginensi 19, canone 44, quod prohibet clericis comam et barbam alere. Ex concilio item Toletano 19, quod cap. 40 jubet ut omnes clerci, detonso superius capite loto, inferius solam circuli coronam relinquant. Recte igitur hic Anicetus ait, secundum apostolos esse, comam non alere, sed caput demisse tondere. Nam quæ per universam Ecclesiam tota terrarum orbe recepta, ab apostolorum temporibus usu frequentata leguntur, ea secundum regulam S. Augustini, epist. 118, ad Januarium, ab apostolis protecta et constituta esse recte creduntur. Vide Baron. ann. 58, n. 112, et multis aliis sequentibus; Bellarmin. lib. ii *De monachis*, cap. 40. Sev. BIN.

(47) *Desuper caput radant.* Id est, demisse, tondeant. Sic enim olim fiebat, forcibus scilicet, non

radant (48); quia sicut discreti debent esse in conversatione, ita et in tonsura et omni habitu discreti debent apparere. Hæc vobis, fratres, ut petistis, custodienda mittimus, et custodire præcipimus, « ut in nomine Jesu omne genu flectatur, cœlestium,

<sup>66</sup> Philipp. ii, 10. 11. <sup>67</sup> mendax consulum nota.

autem novacula, ut colligimus ex Clemente Alexandr. lib. iii *Pædagogi*, cap. 11, qui sic dicit: « Pili tondendi sunt, non novacula, sed tonsorum forcibus. » Item ex Optato Milevitano lib. ii *Contra Parmenianum*, ubi arguit Donatistas, quod catholicis sacerdotibus per vim capita raserint: « Docete, inquit, ubi vobis mandatum sit radere capita sacerdotibus, cum e contrario tot sint exempla proposita fieri non debere. » Ex Hieronymo in c. XLIV *Exch.*, ubi dicit sacerdotes non debere commam alere, nec tamen radi, sed ita tonderi, ut cutis lecta maneat. Denique ex Dionysio, Epiphanio, Athanasio, Palladio, Augustino, Isidoro, Beda, concilio Carthaginensi IV et Toletano IV, idem colligitur; cum apud omnes illos tonsurae quidem, non autem rasuræ mentio fiat. Prædicta igitur verba Aniceti pontificis modo illo quo supra, explicare, quam integrum epistolam (quod facit Bellarm. *De monachis*, cap. 40), propterea in dubium vocare, convenientius est ac tutius. Vide Valent. tom. IV, disput. 9, quæst. 5, puncto 3, *De annexis sacramento ordinis*. Id.

(48) *In modum sphæræ radant*. Id est, coronæ vel circuli, quia Patres et concilia dum prædictis locis de tonsura clericorum aut monachorum loquuntur, eam communiter coronam nominant, propterea nimis, quod tonsura coronæ figuram habeat. Causam et rationem hujus tonsuræ clericalis gestatæ, ali⁹ aliam assignant. Prima est Dionysii, ut illa nu-

A terrestrium et infernum, et omnis lingua confitetur quia Dominus Jesus Christus in gloria est Dei Patris<sup>68</sup>, » cui honor et imperium per æterna sæcula.

Data octavo Kalendas Junii, Gallicano et Ruffino viris clarissimis consulibus<sup>69</sup>.

datione capitis significetur vita aperta et pura cui ecclesiastici studere debent. Secunda est Bedæ, lib. v *Historiæ Anglie*, c. 22, ut spinea Christi corona, quam clerici maxime in memoria habere debent, representetur. Tertia est Isidori lib. *De offic. cleric.*, Rabani lib. ii *De institut. cleric.* cap. 1, ut significetur regale esse Christi sacerdotium, cuius gubernatores tali corona redimitos esse oporteat, vel etiam ut significetur ecclesiasticum animum, qui est in homine sicut vertex in capite, debere esse nudatum a vitiis, spoliatum affectu superfluitatum, ac demum apertum et expeditum ad divinas inspirationes facile percipiendas. Valentia prædictis locis. Sed et alia ab his diversa de clericorum tonsura adducitur causa a Germano episcopo Constantiopolitano, his verbis: « Duplex corona circumposita capiti sacerdotis, capillorum significatione, imaginem refert venerandi capitis apostoli Petri: cui cum missus esset ad prædicationem Domini et magistri, ei tonsa est ab his qui ejus sermoni non credebant, ut illuderetur ab ipsis, eique Christus magister benedixit; et infamiam in honorem, illusionem in gloriam convertit, et posuit super caput ejus coronam, » etc. Unde constat eam, quæ principi apostolorum derisionis et ignominiae causa illata est nota infamiae, totius Ecclesiæ honori cessisse. Vide Baron., Bellarm., Valent., etc., allegatis locis. Id.

## SOTER PAPA

### NOTITIA

(Ex Libro pontificali Damasi papæ, ap. MANSI, *Concil.*, I, 687. — Vide *Patrologiæ Latinae* t. CXXVII, col. 1240.)

Soter natione Campanus, ex patre Concordio, de civitate Fundis, sedit annos 9, menses 7, dies 21. Fuit autem temporibus Veri et Marci, a consulatu Rustici et Aquilini, usque ad Cetbegum et Claram. Hic constituit, ut nulla monacha pallam sacratam contingeret, nec incensum poneret in sancta ecclesia. Hic fecit ordinationes 3, per mensem Decembrem, presbyteros 18, diaconos 9, episcopos per diversa loca 11. Qui sepultus est in cœmeterio Callisti, via Appia, x Kalendas Maias. Et cessavit episcopatus dies 11.

## SOTERIS PAPÆ EPISTOLÆ

### EPISTOLA PRIMA.

AD CAMPANIAE EPISCOPOS.

*De fide et incarnatione D. N. I. C.*

Soter<sup>70</sup> apostolicæ sedis archiepiscopus, Campanis omnibus, salutem in Domino.

<sup>70</sup> in ms. Sother, et in dignendi casu Sotheri. HABD.

B Gaudere vos oportet, fratres, quod, divina largiente gratia, familiares Domini vocamini, ejusque sacerdotii dignitate fungimini. Nunc autem rogo vos, ut circa plebes vobis commissas laborare dignemini, et fructuosos manipulos Domino reportare nitamini.<sup>71</sup> Paulus enim apostolus de fide ita

<sup>71</sup> Ithacius adv. *Varimadum* capp. 9 et 10.